



## **TOSHKENT DAVLAT YURIDIK UNIVERSITETI REKTORINING B U Y R U G ' I**

2021-yil «3» mart

08-47-son

### **Тошкент давлат юридик университетига хорижий мутахассисларни жалб этиш билан боғлиқ ташкилий масалалар тўғрисида**

Ўзбекистон Республикаси Президентининг 2019 йил 8 октябрдаги ПФ–5847-сон “Ўзбекистон Республикаси олий таълим тизимини 2030 йилгача ривожлантириш концепциясини тасдиқлаш тўғрисида”ги ҳамда 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги фармонларида белгиланган вазифалар ижросини таъминлаш мақсадида

### **БУЮРАМАН:**

#### **1. Қуйидагилар:**

Тошкент давлат юридик университети (кейинги ўринларда – университет) ректорининг 2020 йил 29 июлдаги 08-133-сон буйруғи билан Тошкент давлат юридик университетига хорижий профессор-ўқитувчилар ва мутахассисларни ишга қабул қилиш ва уларга ҳақ тўлаш тартиби тўғрисидаги низом тасдиқланганлиги;

университетга консультант, маърузачи ва ўқитувчи сифатида жалб этилган хорижий мутахассисларга тўловларни белгилаш меҳнат бозорининг амалдаги конъюнктурасини ҳисобга олган ҳолда амалга оширилиши;

хорижий мутахассислар меморандумлар, шартномалар, буйруқлар ва бошқа уларнинг фаолиятини тасдиқловчи ҳужжатлар асосида камида битта цикл ёки ўқув фанининг бирор бўлимини тўлиқ ўтган (камида 12 соат) бўлиши лозимлиги инобатга олинсин.

#### **2. Белгилансинки:**

хорижий мутахассисларни университетга дарс машғулотларини олиб бориш, маҳорат дарсларини ўтказиш, консультант сифатида жалб этиш (онлайн ёки анъанавий таълим тарзида) Халқаро ҳамкорлик бошқармаси билан келишилганидан кейин амалга оширилади;

университет ходимлари томонидан хорижий мутахассисларни жалб этиш бўйича дастлабки келишувга эришилганидан сўнг хорижий мутахассисга оид барча маълумотлар Халқаро ҳамкорлик бошқармасига тақдим этилади ва жалб этиш мақсадга мувофиқлиги бўйича хулоса олинади;

хорижий мутахассислар томонидан дарс машғулоти (маъруза ёки семинар) онлайн тарзда ўтказилган тақдирда ҳар бир машғулот видеоси ёзиб борилади;

ҳар бир жалб этилган хорижий мутахассис учун электрон маълумотлар базаси шакллантирилади, унда хорижий мутахассисга оид маълумотнома (CV), тузилган шартнома нусхаси, тўловларни амалга ошириш учун шакллантирилган барча далолатномалар, онлайн тарзда ўтказилган машғулоти видеоси ва бошқа ҳужжатлар жамланади;

электрон маълумотлар базаси Халқаро ҳамкорлик бошқармаси томонидан юритилади.

### 3. Факультет деканлари:

ўқув жараёнини ташкил этиш билан боғлиқ ишларни амалга оширишга кўмаклашиш ва дарс машғулотларини олиб бориш самарадорлигини ошириш мақсадида жалб этилган ҳар бир хорижий мутахассисга фаолият олиб бораётган ҳар бир кафедрадан масъул ходим бириктирсин ва масъуллар ҳақидаги маълумотларни ҳар 3 ойда Халқаро ҳамкорлик бошқармасига тақдим этиб бурсин;

хорижий мутахассислар университетга дарс машғулотларини (маъруза ёки семинар) олиб бориш учун жалб этилганида, уларнинг дарс жадваларини ҳар ойнинг 25 санасига қадар белгиланиши бўйича чоралар кўрсин;

хорижий мутахассислар дарс машғулотларини ҳақ эвазига олиб бориш учун жалб этилган тақдирда ҳар бир хорижий мутахассиснинг ойлик бажарилган ишлар тўғрисидаги далолатномаларнинг асл нусхаларини ҳар ойнинг 25 санасига қадар (шу куни ҳам) Ўқув-услубий бошқарма билан келишилган ҳолда Бухгалтерия ҳамда Халқаро ҳамкорлик бошқармасига (ҳар бир машғулот видеоси билан бирга) топширилишини таъминласин.

хорижий мутахассисга тўловларни амалга ошириш учун ҳужжатлар Бухгалтерияга биринчи марта топширилганида барча ҳужжатлар тўлиқ ҳажмда (келишув нархларини шакллантириш бўйича маълумотнома, шартномалар, ойлик бажарилган ишлар тўғрисидаги далолатномаларнинг асл нусхалари ҳамда паспорт, Ўзбекистонда очилган СТИР нусхалари) тақдим этилишини ташкил этсин;

Халқаро ҳамкорлик бошқармаси сўровига кўра, электрон маълумотлар базасини шакллантириш учун керак бўлган маълумотларни тақдим этилишини ташкил этсин.

4. Хорижий мутахассислар томонидан ойлик бажарилган ишлар бўйича тегишли маълумотларни ўз вақтида ва тўлиқ тақдим этилишига шахсан факультет декани масъул эканлиги кўрсатиб ўтилсин.

5. Электрон университет (А. Каримов):

икки ой муддатда жалб этилган хорижий мутахассис учун электрон маълумотлар базасини яратилиши ва университет серверига жойлаштирилиши, заруратга кўра ташқи сақловчиларда сақлаб қўйилишини ташкил этсин;

электрон маълумотлар базасини бир йил давомида тўлиқ сақланишини таъминласин.

6. Халқаро ҳамкорлик бошқармаси (О. Якубов):

хорижий мутахассисларни жалб этиш бўйича тақдим этилган таклифларни ҳар томонлама ўрганилишини таъминласин;

университетга жалб этиш мақсадга мувофиқ деб топилган хорижий мутахассислар билан музокаралар натижасига кўра тегишли тартибда меҳнат бозорининг амалдаги конъюнктурасини ҳисобга олган ҳолда шартнома тузилишини таъминласин;

ҳар бир жалб этилган хорижий мутахассис учун электрон маълумотлар базасини тўлиқ шакллантирилишини ва тизимли равишда янгилаб борилишини таъминласин.

7. Бухгалтерия (М. Парпиев):

Халқаро ҳамкорлик бошқармаси томонидан хорижий мутахассислар билан дарс машғулотини олиб боришнинг дастлабки келишувида белгиланган нархларни (1 соат нархи), улар билан тузиладиган шартномада акс эттириш учун Ўзбекистон Республикасида тўланадиган солиқ тўловлари бўйича Халқаро ҳамкорлик бошқармасига маълумот тақдим этсин;

дарс машғулотларини (маъруза ёки семинар) олиб бориш учун хорижий мутахассисларга оид тўловларни, улар билан тузилган шартнома шартларига мувофиқ, фаолият олиб борган ой учун ёки ўқув машғулотларини ўтказган тўлиқ даври якунланганидан сўнг, кейинги ойнинг 5 санасига қадар тўлиқ тўланишини амалга оширсин.

8. Мазкур буйруқ ижросини назорат қилишни ўз зиммамда қолдираман.

**Ректор**



**Р. Ҳакимов**